



SAOPĆENJE ZA JAVNOST

Izazivanje opće opasnosti Pritvor osumnjičenom N.K. (21)

Tužilaštvo Brčko distrikta BiH predložilo je sudu određivanje pritvora za N.K. (21)* osumnjičenom za izazivanje opće opasnosti u ovom gradu podmetanjem požara na jednom automobilu i bacanjem eksplozivne naprave na ugostiteljski objekat *Dos Manos*. Pritvor za osumnjičenog predložen je zbog opasnosti da će ponoviti krivično djelo, te uticajem na svjedoke ometati krivični postupak.

Tužilaštvo Distrikta otvorilo je istragu protiv N.K. zbog sumnje da je u dva navrata angažirao maloljetno lice radi izazivanja opće opasnost za imovinu većeg obima u ovom gradu. Sumnja se da je na njegovo traženje, maloljetnik koji mu je dugovao novac, najprije 15. jula oko 03,15 sati podmetnuo požar na automobilu Audi A6, koje je bilo parkirano u ulici 8. Marta. Utvrđeni su osnovi sumnji da je isto lice, takođe po nalogu N.K., 17. augusta oko 01:50 sati aktiviralo eksplozivnu napravu bacajući je u unutrašnjost vanjskog dijela bašte ugostiteljskog objekta *Dos Manos* u ulici R. Dž. Čauševića.

Po današnjoj predaji ovom tužilaštvu obavljeno je ispitivanje osumnjičenog N.K., a zbog opasnosti da će ponoviti krivično djelo, te uticajem na svjedoke ometati krivični postupak, Tužilaštvo je danas predložilo Osnovnom sudu Distrikta da osumnjičenom odredi pritvor. U naredna 24 sata sud bi trebao donijeti odluku po ovom prijedlogu, dok u međuvremenu Tužilaštvo i Policija Distrikta intenzivno nastavljaju prikupljanje dokaza za produženo krivično djelo Izazivanje opće opasnosti (iz člana 317 stav (1) Krivičnog zakona Brčko distrikta BiH). Maloljetniku za koga se sumnja da je učestvovao u izvršenju ovog krivičnog djela, sud je juče na prijedlog Tužilaštva izrekao mjere zabrane napuštanja boravišta i putovanja, te naredbu povremenog javljanja državnom organu.

*Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.

Tužilaštvo Brčko distrikta Bosne i Hercegovine 28.8.2021. godine

GLAVNI TUŽILAC
ZEKERIJA MUJKANović